

ոք հզօրագոյն քան զառաջինն :

Յառաջնում ամի Քեահեայ Բդեչխին Դամասկոսի եկն մինչ 'ի Սամարիա , և Դիոնէսիոս եպիսկոպոս ընդ նմա , եւ լուեալ զպատամբութիւն Նէնիչէրեաց Երուսաղէմի , ոչ կամեցաւ զնալ անդ , այլ առաքեաց զսեղանաւոր իւր յազգէ Հայոց՝ ժողովել զհարկ երկրին : Սմա պատուիրեալ էր Դիոնէսիոս վասն առնելեաց իւրոց , և 'ի լինել բանից՝ պատմեալ էր Եղիա եպիսկոպոս զԴիոնէսիոսէ և զաղքատութենէ վանաց , և նորա գրեալ առ Քեահեայն , և նա այնպէս մեկնեցաւ յայնժամ 'ի տեղի իւր : Իսկ 'ի սմին ամի եկեալ յԵրուսաղէմ իջեւանեցաւ 'ի վանս Յունաց , և գրեաց անտի զերկուս գիրս առ Խորհրդականս Աթոռոյն , յորս առաջի զնէր նոցա գալ 'ի վանս և դէմ յանդիման խօսիլ ընդ նոսա , յայտ արարեալ 36 ամեայ զաշխատութիւնս իւր , և խնդրէր զ10,000 դահեկանն ամբողջ տոկոսիւք , և զծախսն անցելոյ ամին , որոյ ետուն պատասխանի՝ չմտանել 'ի վանս 'ի դայթակզութիւն ժողովրդոց , և վասն առնելեաց իւրոց սպասել զալատեան Ծայրագոյն կառավարչի Աթոռոյն , զի ինքեանք չէին ձեռնհաս տալ ումեք պարտս կամ տոկոսիս . այլ 'ի հասանիլ բանակի Բդեչխին Դամասկոսի լուեաց առ ժամն :

Կուսակալն Դամասկոսի գրեալ էր առ մեծամեծս բանակին , 'ի հասանել նոցա յԵրուսաղէմ , պահանջել յիւրաքանչիւր վանաց 60,000 դահեկանս իբր նպաստ . Լատինք և Յոյնք հոգացին զգործս իւրեանց . Հայք գոլով 'ի չքաւորութեան՝ առաջի եղին զհրովարտակն , այլ նոքա ոչ ընկալան զայն . զի որպէս յառաջագոյն առեալ էր Մուսղաֆա Փաշայ , նոյնպէս և այժմ պահանջէին , թէպէտեւ Հայք ասէին թէ զայն յետս առին 'ի Կոստանդինուպօլիս . այլ նոքա ասէին , այժմ մեք առնումք , ապա դուք յետս առէք անդ : Եւ զկնի տօնի Զատիկին առաքեցին 'ի վանս 30 Մղրպի զօրս , և զի աւուրքն ծոմապահութեան էին նոցա , յերեկոյին գիմեալ 'ի խոհանոցն կալան զխոհարարն , և սկսան խոշտանգելով պահանջել 'ի նմանէ զհամադամ կերակուրս , և ելեալ անտի հարկանէին զգրուես սենեկաց . եւ զօրս միանգամ գտանէին՝ զան մահու լուծանէին 'ի վերայ նորա , նախատելով և հայհոյելով , յան-